

Bangala - Ebandeli Kobunda Buku na Nzambe - Beginning WP Scriptures

Liboso Buku na Nzambe - Confession Scriptures

Ezera 9:7 Banda na ntango ya bankoko na biso kino lelo oyo, ekolo na biso esali mabe ya minene mpenza. Yango wana biso na bakonzi mpe banganga-Nzambe na biso, tonyokolamaki na maboko ya bakonzi ya bikolo mosusu, ezala na bitumba, na boumbu, na ndenge bazalaki kobotola biloko na biso, to na ndenge tozalaki koyoka nsoni lokola oyo ya lelo.

Ezera 9:13 O Nzambe na biso, bampasi nyoso wana eyeeli biso mpo na mabe oyo tosalaki, mpe mpo ya masumu na minene na biso; nzokande opesi biso etumbu na ndenge masumu na biso ezali te, mpe obateli mwa ndambo ya batu na biso.

Nemaya 9:2 Baisraele balongoli kati ya batu oyo bazali Baisraele te, Bongo bango nyoso bandimi ete bango mpe bankoko na bango basalaki masumu.

Njembo 24:3,4 Banani bakoki komata na ngomba ya Nkolo? Banani bakoki kotelema na ndako na ye ya bosantu? 4 Bobele batu oyo bazali na mitema petwa, na maboko oyo esalaka masumu te; batangaka nkombo ya Nzambe mpo na makambo ya mabe te; mpe bakataka silika na lokuta te.

Isaya 59:2 Ezali masumu na bino nde ekabolaka bino na Nzambe na bino; ezali mabe na bino moko nde ebombaki elongi na ye mpo ayoka bino te.

Isaya 64:6(5) Biso nyoso tokumi lokola eloko ya mbindo; mpe bosembo na biso ezali lokola elamba oyo ebebi na bosoto. Bongo biso nyoso tokaoki lokola nkasa mpe mabe na biso ezali komema biso lokola mopepe.

Yeremia 5:25 Mabe na bino nde ebebisi makambo nyoso wana, masumu na bino nde ekangi bolamu wana.

Osea 13:8 Nazali kobundisa bino lokola urusi ya mwasi oyo babotoli bana na ye. Nazali kopasola mpe ntolo na bino. Nakolia bino lokola ntambo mwasi mpe banyama ya zamba bakopasola bino biteni biteni.

Daniele 9:8,9 Ya solo Nkolo, totondi na nsoni, ezala bankoko na biso to biso mpenza, bakonzi na biso, bashef na biso. Mpamba te totosaki yo te! 9 Kasi yo Nkolo, Nzambe na biso, na bolingo na yo, ozali kolimbisa biso ata lokola totombokaki na yo.

Mako 9:24 Nokinoki tata na mwana angangaki: "Nandimi! Sunga ngai mpo na kondima te na ngai!"

Luka 11:2 Yesu alobaki na bango: "Ntango bozali kobondela, boloba: `Tata Esengeli batu bayeba ete nkombo na yo ezali mosantu. Esengeli bokonzi na yo eya. (Matayo 6:10)

Yoane 14:6 Yesu alobaki na ye: "Ngai nazali nzela, mpe solo, mpe bomoi. Motu moko te akoki kokende epai na Tata na ngai na nzela mosusu, soki ye aleki bobele epai na ngai te.

Yoane 17:15 Nasengi yo te na kolongola bango na mokili, kasi na kobatela bango mpo na motu mabe.

Baroma 6:12-14 Masumu ekoki kokonza lisusu nzoto na biso te mpo na kosukuma biso na kotosa mibeko na mposa na nzoto yango. 13 Botika lisusu biteni na nzoto na bino kokota na mosala na masumu te mpo na kozala biloko na mosala na makambo mabe, kasi bomipesa epai na Nzambe lokola batu basili kobima na kokufa mpe basili kokota na bomoi mpe bomipesa mobimba na mosala na Nzambe lokola biloko na mosala mpo na kosala makambo oyo ezali sembo. 14 Mpamba te masumu ekoki kokonza likolo na bino te, mpo ete bozali nse na mobeko te kasi nse na ngolu na Nzambe.

Baebere 9:28 Bobele boye, Kristo lokola asili komipesa mbala moko mpamba lokola nyama oyo babomaka mpo na kolongola lisumu na batu mingi. Ye akobima mbala na mibale lisusu mpo na kolongola lisumu te, kasi mpo na kobikisa batu na kozela ye.

Yakobo 4:8 Boya penepene na Nzambe mpe ye akoya penepene na bino. Bino batu na masumu, bosukola maboko na bino! Bino bazimba, bopetola mitema na bino!

1 Yoane 1:9 Kasi soki tobimisi masumu na biso epai na Nzambe, tokoki kotia kondima na biso kati na ye mpo ye asalaka makambo sembo, ye akolimbisa masumu na biso, mpe akopetola biso na mabe nyoso.

Kolimbisa Buku na Nzambe - Forgiveness Scriptures

Matayo 6:12-15 Limbisa biso na mabe oyo tosili kosala, lokola tolimbisaka mabe oyo batu basili kosala epai na biso. 13 Kamba biso kati na komekama te, kasi bikisa biso na maboko na motu mabe. Mpamba te bokonzi, nguya mpe nkembo ezali na yo mpo na seko. Amen.' 14 "Mpamba te soki bokolimbisa mabe batu basalaki epai na bino, Tata na bino oyo azali na lora akolimbisa mabe na bino lokola. 15 Kasi soki bokolimbisa te mabe batu basalaki epai na bino, Tata na bino na lora akolimbisa masumu na bino te."

Matayo 18:21,22 Bongo Petero akumaki epai na Yesu, mpe atunaki ye: "Mokonzi, soki ndeko na ngai atiki te kosala ngai mabe, nakolimbisa mabe na ye mbala boni? mbala nsambo?" 22 Yesu ayanolaki ye: "Te, nalobi na yo te kino mbala nsambo, kasi kino mbala ntuku nsambo mbala nsambo.

Matayo 18:35 Mpe Yesu alobaki lisusu: "Ezali ndenge boye, Tata na ngai na lora akosala epai na bino soki motu na motu alimbisi ndeko na ye na motema nyoso te."

Mako 11:25,26 Mpe ntango botelemi mpo na kobondela, soki bozali na likambo epai na motu mosusu, bolimbisa ye, mpo tata na bino na lora alimbisa masumu na bino lokola. 26 Kasi soki bolimbisi batu mosusu te,

Tata na bino na lora akolimbisa masumu na bino soki moke te."

Luka 6:37 "Bokata likambo na batu mosusu te, boye Nzambe akokata likambo na bino te. Bosambisa batu te, boye Nzambe akosambisa bino te. Bolimbisa mabe na batu mosusu, bongo Nzambe akolimbisa mabe na bino.

Luka 11:4 Limbisa masumu na biso, Mpo biso mpenza tolimbisaka masumu na batu oyo basalaki mabe epai na biso. Mpe kamba biso kati na komekama te."

Luka 17:3,4 Bokeba! "Soki ndeko na yo asali lisumu, pamela ye. Soki abongwi motema, limbisa ye. 4 Mpe soki ye asali yo mabe mbala nsambo kati na mokolo moko, mpe mbala nyoso akumi na koloba na yo: 'Nazali na mawa mpo na likambo yango,' limbisa ye."

Luka 23:34 Yesu alobaki: "Tata, limbisa bango, mpo bayebi te likambo bazali kosala." Bakabolaki bilamba na ye kati na bango na kobeta zege.

Misala Bantoma 8:22 Bongola motema na yo na likambo mabe oyo, mpe bondela Mokonzi soki ekoki, Nzambe alimbisa mabe na yo na ndenge na likanisi oyo.

Baroma 4:7 "Esengo ezali mpo na batu oyo Nzambe asili kolimbisa mabe na bango, mpe asili kobomba masumu na bango

Baefeso 1:7 Mpo, na makila na Kristo, tosili kobika mpe kozwa kolimbisama na masumu. Bobele boye, Nzambe atalisaki biso ngolu mingi,

Baefeso 4:32 Bozala malamu, kotonda na bolingo kati na bino, kolimbisana kati na bino lokola Nzambe asili kolimbisa masumu na bino kati na Kristo.

Bakolosai 1:14 mpo na ye tosili kobika mpo na makila na ye mpe Nzambe asili kolimbisa masumu na biso.

Bakolosai 2:13-15 Na liboso, na likambo na molimo bozalaki bakufi na ntina na masumu na bino, mpo bozalaki bapakano, batu na kokata ngenga te. Kasi sik'oyo, Nzambe asili kopesa bino bomoi elongo na Kristo. Nzambe asili kolimbisa masumu nyoso na biso. 14 Ye abomaki makomi oyo ezalaki kosungola biso, oyo ezalaki kobundana na mitindo na ye, mpe ye asili koboma yango, kokanga yango na krusi. 15 Mpo na krusi na Kristo, Nzambe asili kolongola nguya na bakonzi mpe nguya na milimo. Ye atalisaki bango polele, kokende na bango lokola batu na boloko kati na defile na kolonga na Mwana na ye.

1 Yoane 1:9 Kasi soki tobimisi masumu na biso epai na Nzambe, tokoki kotia kondima na biso kati na ye mpo ye asalaka makambo sembo, ye akolimbisa masumu na biso, mpe akopetola biso na mabe nyoso.

1 Yoane 2:12 Bana na ngai, nakomeli bino mokanda, mpo Nzambe asili kolimbisa masumu na bino mpo na nkombo na Kristo.